



Immikkoortup 114 siullermeerneqarnera:

Nuummi inissimasussamik Nunatta inuiattut timersornikkut unammersuarterfissaannik pilersaarutip FIFA-p piumasaqaataanut naapertuuttumut aningaasalersorneqarnissaannut periarfissanik misuissuisussamik suleqatigiisitamik pilersitseqqullugit Naalackersuisut peqqu-neqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaqaq Anders Olsen, Siumut)

Nunatsinni timersornikkut periarfissanik pitsanngorsaajuartoqarnissaa Partii Naleqqamiit kissaatigalugulu soqutigisaraarput, pingaartumik timersornikkut periarfissaqarpallaanngitsut eqqarsaatigalugit.

Nunarput sorpassuartigut ineriartorpoq aamma timersornikkut, nunat eqqaamiugut qiviraanni malunnartumik periarfissatigut timersorneq eqqarsaatigalugu siuarsimanerupput atortutigullu siuariartuinnavillutik, uagullu malinnaassagutta aamma atortutigut timersornikkut annertusaasariaqalerpugut.

Arsaattarfiit ivigaasanik qallikkat siunissami pinngitsoorsinnaajunnaariartorpagut qujartumillu ukiuni kingullerni amerlinikuullutik. Timersortarfiilli aserfallakkiartuinnartut aqqissuuttariaqalerlutik pinikuupput, timersornerlu pinaveersaartitsinermik annertuumik pilersitsisarmat tamakku timalimmik iluarsartorneqartariaqarput, ullutsinnut naleqquttunngorlugit.

Angusarisatigut pitsanngorsaasoqassappat taava ullutsinnut naleqquttunik timersortartunut atugassarititaasut siuarsartariaqarput nunarput tamaat ataatsimut isigalugu. Timersortarfissuit ullumikkut annertunerpaamik timersornermi siursaaviupput ilaallu aserfallakkiartuinnarput immikkullu aningaasaaliisoqanngippat aamma eqquinerlussinnaallutik taakkunungalugu aamma isiginninnerput sakkortunerulersittariaqarparput.

Tassami taakkunani meerarpassuit timersornikkut siursaaffigineqartarput meeqqanut nuannaarutaasumik, peqqinnartumimmi inuuneqassagutta sunngiffimmi sammisassat aamma nukittuumik ingerlalluartaqarput.

Nunanut allanut kalaaleqatigut unamiartoraangata assut nuannaarlutalu malinnaasarpugut nunatta avammut takutinnissaa nuannaarutigalugu timersortartuttalu pikkorissut angusaqarluarnissaat isumalluarfigisarlugulu nuannertaqaarlu angusarissaarlutik takutitsigaangata.

Arsaattarfimmik ivigaarasalimmik anguniagaqartut Ilulissani ingerlalluarpalupput, suliniutit annertuut ingerlanneqalereerput tassuunalu ilungersuussillutik suliniuteqarneranni nersualaagassaapput.

Inuit namminneq kajumissutsiminnik Ilulissani suliniuteqarnerat Naalackersuinikkut tapersorsorneqartariaqarpoq, utaqqiinnaratik ingerlapput, suliniullu siursimangaatsialersimavoq allaat aningaasaateqarfiit arlallit oqaloqatigineqareersimapput tapersorsuinerlu annertusiartuinnarluni.



partii naleraq

Kiisalu ilanngullugu oqaatiginiarparput aamma ukiuunerani silami timersortartut sisorartartut aamma atugaat siuarsartariaqarlunnarput, pingaartumik sisorartartunut majartaatit aqqusiuutillu eqqarsaatigalugit, tassami nunarsuarmiunut aamma angummanniassagutta ukiukkut apummi timersortartunut siursaasariaqarpugut, tassalu sisoraatnik arpattartunut illiniliuutit aammalu sisorartarfinni majartaatit malunnarmammi aamma taakkua amigaatigineqartut.

Qujanaqaarlu aamma utaqqiinnanngitsunik inoqarmat, Qaqortumi ivigaaraasanik arsaattarfittaarsimaneq pissutaalluni suliniutit allani tuniluullutik ingerlanneqalermata tassuunalu aamma Qaqortormiut maligassiuilluarnermikkut nersualaagassaapput.

Maniitsumi aamma peqalerpoq nammineq pilersitaminnik ajunngeqaaq siuariartorpugut, aammalu Qeqertarsuarmi ajunngilluinnartumik arsaattartunut tunissuteqartoqarpoq tassalu Jens Salling torrallaavoq nersortarialimmik, Qeqertarsuarmiullu iluatsitsilluarnissaannik kissaappagut.

Taamaattumik unammersuarterfissamik suleqatigiissitamik pilersitseqqulluni aalajangiiffisassamik siunnersuut Inatsisartunut ilaasortamit Anders Olsen Siumut saqqummiunneqartoq Partii Naleqqamiit taperserparput.

Qujanaq

Per Rosing-Petersen